

我有屋三椽住在靈源無遮門壁任蕭然萬象森羅爲斗拱瓦  
蓋青天無漏得多年結就因緣修成功行滿三千降得火龍  
伏得虎陸地神仙

蘇幘遮

天不高地不大惟有真心物物俱含載不用之時全體在用卽  
拈來萬象周沙界虛無中塵色內盡是還丹歷歷堪收采這  
個鼎爐解不解養就靈烏飛出光明海

滿庭芳

大道淵源高真隱秘風流豈可知聞先天一氣清濁自然分不  
識坎離顛倒誰能辨金木浮沉幽微處無中產有澗畔虎龍吟  
月脫胎丹就除此外皆是旁門君知否塵寰走徧端的少知音

醜江月

仙風道骨顛倒運乾坤平分時節金木相交坎離位一粒刀圭  
凝結水虎潛形火龍伏體萬丈毫光烈仙花朶朶聖男靈女拔  
折霄漢此夜中秋銀蟾離海浪卷千層雪此是天關地軸誰  
解推窮圓缺片晌工夫霎時丹聚到此憑何訣倚天長嘯洞中  
無限風月

水龍吟

目前咫尺長生路多少愚人不悟愛河浪闊情波風緊舟船難